

黃錄九幽醮無碍夜齋次第儀

場四

先於建道場日申時詣玄中大法師
前拜啓玄章焚之次至酉時於三天
大法師前齋主上香法師請關牒中
三道士次法師度牒與齋主次齋主
傳與道流一人捧之道衆舉華夏迎
往大門外設香案仍以香茶酒果供
養三分今齋主上香再拜次法師啓

白

伏以拔幽魂振滯魄莫大於黃錄妙齋締善
果植殊因無逾乎紫清秘檢惟克修於珍供
必仰奉於瓊科既華壇之建儀在明神而受
職以謂九方同宇雖並統於潛祇萬域異區
寔交分於靈局莫絃維之靈壤垂里域之丕
備載脩冲妙之規寔有闡聞之式今者謹有
齋主奉為亡過某人或七或命道士若干恭
就奉靈之室聿修度品之齋辭席載嚴蘭場
式啓騰誠三界仗四直以敷揚拯罪九幽觀
五道而開度城隍土地里杜正神共證齋功
同資妙果是用先伸關牒告達明靈伏望真

聰俯垂明鑒

表白宣關牒

法師再啓白

向來齋修之意具述牒文宣白已周各希聽
用共職瑤壇之事俾起泉府之魂在靈造之
克勤則齋功而允就唯神聰直俯受斯言無
任虔祝之至

焚錢馬關牒單狀

焚詞頌回向念善退

次別排辦香花卓子一隻召魂中一

條請齋主上香

次法師執召魂巾召請亡靈啓白中

一文二尺
以熟絹

伏以淵宗諸粹包千有以攝慈靈宰播庸同
九冥而垂照茂著薦崇之典丕昭濟度之功
苟克奉於冲規諒寧忘於妙蔭今者奉為齋
主某人伏為亡過某人奄辭昭世候倭幽塗
弟累深哀慕之誠春成盡訴號之懇爰遵秘
式克闡靈場駢珍供於家庭備真儀於館宇
瓊科抵肅仰霄極之垂私玉梵虛徐迓丘寔

之降願庶荷締緣之力即承度品之恩伏冀

焱歎丕臨神靈昭格代魄荐除於黑簿楚魂
來入於循門離九署之風刀消其積累從
三清之雲榻被此殊緣誦百罪於真靈儲千
祥於後裔永彰欽奉無爽鑒觀謹言

次威儀法事引亡靈入宅靈座奉安

沿路令道流一人持淨水鉢盂以柳

枝洒淨散穢念諸天内音大梵隱語

至座訖

知磬起啓堂頌

法師啓白

伏聞天地長久尚聞傾覆之期日月高明由
有虧盈之度况乎人生三界性稟五常豈能
免此輪迴離其生死夫有生必有死无始必
无終故莊周有夢蝶之悲魯聖興逝川之嘆
聖賢不免凡俗難逃今齋主伏為亡過某人
奄辭昭世候倭幽塗薦資用罄於虔誠法會
特陳於此夕今則威儀濟濟法侶說說奉為
亡靈皈依三寶

舉人各恭信

宣三寶及皈依

宣告亡靈第一皈依无上道寶十方上聖太
上三尊億劫度人先天立教慈悲廣濟普及
羣生玉相金容常當信禮

志心皈依十方道寶當願亡靈起心回向

一切信禮

宣告亡靈第二皈依无上經寶十方世界寶
藏靈文玉字金書龍章鳳篆三十六部萬八
千篇指引凡迷超昇道岸行行滅罪句句消
災此世他生常當信禮

志心皈依十方經寶當願亡靈心開悟解

受持轉誦

宣告亡靈第三皈依无上師寶玄中大聖上
古三師正一真人三天教主十方世界得道
神仙傳法奉經開度壽品是其父母是大醫

王此世他生常當信禮

志心皈依十方師寶當願亡靈普上法橋

无有障礙

又啟白

伏以玉虛垂妙廣昭濟拔之功琅檢著文誕

示薦昇之式爰仰遵於秘範庸祇奉於逝靈
于今玉梵荐揚瓊網式舉天章雲篆已布於
良緣歛駕颺輪印彰於殊應期鑒觀於紫宙
即超度於朱陵已聞三寶之名載舉十華之
號

志心信禮東方九炁天君和神仙諸靈官

稽首東方主 玉寶皇上尊 手執青華節

接引此亡靈和往生神仙界

志心信禮南方三炁天君和神仙諸靈官

稽首南方主 玄真萬福尊 手執丹霞節

接引此亡靈和往生神仙界

志心信禮西方七炁天君和神仙諸靈官

稽首西方主 太妙至極尊 手執素靈節

接引此亡靈和往生神仙界

志心信禮北方五炁天君和神仙諸靈官

稽首北方主 玄上玉晨尊 手執玄靈節

接引此亡靈和往生神仙界

志心信禮東北方梵炁天君和神仙諸靈官

稽首東北主 度仙上聖尊 手執綠霞節

接引此亡靈和往生神仙界

志心信禮東南方梵炁天君和神仙諸靈官

稽首東南主 好生度命尊 手執絳霞節

接引此亡靈和往生神仙界

志心信禮西南方梵炁天君和神仙諸靈官

稽首西南主 太靈虛皇尊 手執洞靈節

接引此亡靈和往生神仙界

志心信禮西北方梵炁天君和神仙諸靈官

稽首西北主 无量太華尊 手執紫毛節

接引此亡靈和往生神仙界

志心信禮上方大羅天君和神仙諸靈官

稽首上方主 玉虛明皇尊 手執命魔節

接引此亡靈和往生神仙界

志心信禮下方九壘皇君和神仙諸靈官

稽首下方主 真皇洞神尊 手執召靈節

接引此亡靈和往生神仙界

次唱禮十方空界一切天尊奉為亡

靈虔心懺悔
次懺悔
志心懺悔奉為亡靈懺悔身業罪身業無邊
罪種種益難量舉止去來間滯染諸塵垢華

飾貪逸樂傲誕世間人今對大慈尊一心陳
懺悔願此身業罪消除永不清淨契神仙
永離三邊界

志心懺悔奉為亡靈懺悔心業罪心業無邊
罪種種益難量真意并愛憎一切從心起嗜

慈兼妄想嫉妬世間人今對大慈尊一心陳
懺悔願此心業罪消除永不生智熱迴開通
洞達希夷旨

志心懺悔奉為亡靈懺悔口業罪口業無邊
罪種種益難量兩舌及浮言毀謗於經教嘆
食有情物窘辱世間人今對大慈尊一心陳
懺悔願此口業罪消除永不生絕猶是非言
常演真經教

志心稽首禮謝无上正真三寶

次吟大道洞玄虛

次三塗五苦頌

次悲吟啓白

向來稱揚十念功德無限勝因惟願亡靈往
生天界花臺花蓋雲際來迎寶節寶幢空中
接引窈林樹下常聽真經寶月池邊遙聞雅

梵生前萬罪自此消除歿後三塗因今解釋
乘龍駕鶴逍遙十極之天悟道登真自在
三清之上福流見生再果當來莫似今在早
相離別洪惟列聖允鑒精誠有識含生俱登
正道

次與亡靈回向念善退

次靜夜於玄師前唱讚行道法事引
下塔於九幽燈前立次關九幽地獄

燈

次勅水

次昇壇

次面西請三師

次宣建壇說戒儀

第二日清旦唱讚行道宣科出官一依常
儀

臨午如故靜夜行道宣科至三啓三
禮畢今道流一人就請三十六位上
章靈官上香茶酒果供養次法師就
位出官拜懺都拔亡章次讀章次遣
官操伏次依儀大謝次迎章於塔下

焚之火焚章頌迴向念善退
罷散日初更散壇一依常儀

次送三師

次詣玄師前請白如故

二更初詣亡靈前請浴

次法師啓白請亡靈
赴浴室

伏以黃泉冥漠凝濁而滯染魂神黑壤幽陰
積穢而沉埋靈爽昏昏長夜難遂起昇是以
太上慈憐元皇悲愍垂洗滌塵勞之法宣沐
浴鍊度之科即使業網斷除罪源蠲釋今則
嚴陳寶室潔備蘭湯設五香澡盥之儀按三
籙拯拔之格
奉請亡過共人赴浴室洗滌蕩濁流濟事畢
嚴裝歸位聽法

次法事引亡靈往浴室浴路今道流

一人洒淨念諸天內音大梵隱語前
行淨路至浴次法事止

次今道流一人就浴盆以木杓從西

南起左攬三十二轉念沐浴蕩穢呪

天燈添清五色高明日月吐暉濯鍊身形

神津內盟 香湯鍊精 光景洞耀 煥映上清
烝不受塵 五府納靈 罪滅三塗 禍消九冥
惡根斷絕 福慶自生 今日大願 一切告明
身受開度 昇入帝庭

次又念沐浴鍊具呪

太上高真 九靈之精 使魂飛仙 上登紫庭
沐浴華池 身神澄清 精通太虛 萬烝自生

次法師念沐浴丹陽鍊度亡魂大呪

龍漢蕩蕩 无形无名 眇眇億劫 皇道開清
神燈明耀 九魂吐精 玉虛澄暉 太霞高明

元始開化 諸天齊靈 三元尊養 二象攝生
已度者度 未成者成 已死即化 已枯即榮

蠢飛蛸息 一切靈冥 懷胎含孕 咸得受生
亡者命過 魂歸三清 魄受鍊度 南宮變形

今日大吉 皆得光明 五帝鑒映 普告萬靈
天地神祇 及諸河源 五嶽四瀆 及諸名山

洞玄洞虛 洞空洞仙 无極大聖 至真尊神
元窮无極 普監度生 地根斷絕 玄都記名

眾神並映 一切咸聽

次道衆吟沐浴東井頌

如三啓吟出二
十四生圖經

天河灌東井 石景水母精 圓光拂靈曜
玄暉瑩高明 元始披重夜 天人逐月生
沐浴蘭池上 龍負長綆蜃 金童灑香花
玉女流五星 冠帶濯玉津 鍊度五仙形
體香萬神降 乘景登高清

次道衆吟散法事畢

次捲起裏面簾幕

次俟浴畢法師念冠帶呪

五濁已清 八景已明 今日受鍊 罪滅福生
長與五帝 齊景上靈

次捲起外面簾

次道衆吟法水度魂頌

今者漂濁 既畢巖潔 已成霓衣 楚楚以飄香
雲趾徐徐 而離室請 對三尊之 御宣盟九籥
之科傳戒 受符超凡 入聖庶克 成於妙果 期
速證於殊緣 靈魄如存 俯從迎導

次法事迎引亡靈浴路今道士一名

酒淨水念 諸天梵言 隱語至三 清側
面向東北 角設香花 卓子拜褥 以手
爐小案于 一面於香 花卓子前 令亡

靈於褥位立聽法

次法師啓白

仰啓

三清上聖 十極靈仙 俯垂鑒佑 之私深諒 精
虔之懇 今者以亡過 某人已周 香沐載鑿 靈

儀既當

太上御前 祇受皈依 具戒所宜 肅端躬已 欽

奉教科勿 形墮慢之 容恐墜資 薦之果爾 時

元始天尊 昔在香林 園內大福 堂中為諸 天

仙衆三界 主宰一切 靈祇說生 死因緣 功過

宿命是時 即有救苦 真人上白 天尊言臣 親

幽陰地獄 之內羅鄴 北府之中 一切亡魂 沉

淪受苦或 攀劍樹或 踐刀山確 搗磑磨 鑊涉

爐炭肢體 零壞膏血 交流萬死 千生不捨 晝

夜其間獨 有一人形 容無畏 履無傷 往來

獄中苦不 能害祥光 瑞烝覆護 其身不審 此

人有何善 果

天尊言善 哉善哉緣 此人在生 之日心 奉

大道志慕 善緣曾受 九真妙戒 救苦具符 佩

負靈文持 心弗怠所以 死魂快樂 自在逍遙

雖經地獄之中不受輪迴之苦削名黑簿長
規光明即得昇上南宮克證仙果今則

三清御座衆聖臨軒奉爲亡靈依科傳戒伏
冀受持之後崇奉修行當得永離陰冥便昇
快樂羅幽牢之罪對證清淨之福緣更冀垂

休潛扶宗族謹依科法備列威儀奉爲亡靈
傳授經戒恭惟淨魄諦受聖旨

次知磬唱人各恭信

次皈依三寶

宣告亡靈第一皈依

得拔罪濟苦功德不可思議今依天尊威儀
次第傳授伏冀神魂儼若諦受諦聽

次與亡靈說九真戒

第一受初真戒者不殺不盜行平等心當來

託生獲端正長壽持心勿犯

第二受念真戒者不淫不慾無著邪見當來

託生獲聰明智惠持心勿犯

第三受持真戒者不嫉不妬不取非橫財物

當來託生獲富貴豪盛持心勿犯

第四受守真戒者常行善念無有欺誑當來

託生獲吉慶安樂持心勿犯

第五受保真戒者不飲酒食肉殺害衆生當

來託生獲清淨安閑持心勿犯

第六受修真戒者願念衆生解悟大道當來

託生獲法身善性持心勿犯

第七受成真戒者崇奉道法修福持齋當來

託生獲具足十相持心勿犯

第八受得真戒者退身度人不犯衆惡當來

託生獲遇大道教法持心勿犯

第九受登真戒者尊奉師訓無有懈倦當來

託生獲大法王持心勿犯

向來所宣九真妙戒並是太上金口演說受

持既畢檢束神魂蓋以戒法精嚴威禁至重

仗此九真之力永辭五苦之殃徑上南宮登

超紫府當得金童接引玉女奉迎快樂逍遙

无上道寶十方上聖太上三尊億劫度人先

天立教慈悲廣救普及羣生玉相金容常當

信禮

志心皈依十方道寶當願亡靈起心迴向

一切信禮

宣告亡靈第二皈依

无上經寶十方世界寶藏靈文玉字金書龍
章鳳篆三十六部萬八千篇指引凡迷超昇

道岸行行滅罪句句消災此世他生常當信

禮

志心皈依十方經寶當願亡靈心開悟解

受持轉誦

宣告亡靈第三皈依

无上師寶玄中大聖靈寶三師正一真人三

天教主十方世界得道神仙傳法授經開度

羣品是真父母是大醫王此世他生常當信

禮

志心皈依十方師寶當願亡靈普上法橋

无有障礙

次法師再啓白

向來所宣三皈依者是上皇元年天尊現九

色光相遍照諸天諸地大會中並見罪福種

種不同乃知道用人宣人從道立汝等便可

修行持心在念吾當爲汝說九真妙戒金錄

白簡救苦真符汝等欽奉受持勿生懈慢即

無為自在況乃

天尊設教拯濟沉淪羅酆陰暗之中徧九地幽牢之內見諸罪苦報對輪迴萬死千生無有休息是故

天尊慈惠哀愍眾生乃召九光童子救苦真人給付九真妙戒金籙靈符拔度罪魂離苦

解脫各遂超生道岸身入光明今則依按瓊科傳符授戒亡靈既已參受神識便遂往生

消歿後之怨憎解生前之冤結伏願侍經玉女護戒靈童飛天神王巨天力士遍下无極

世界九幽地獄之中二十四曹三十六府當與亡靈削名黑簿滅罪陰關開長夜之幽扃

指無為之道路九霄宮內常為遊宴之方八極天中永作逍遙之界尚慮功德未備法制

有虧更為亡靈告盟眾聖出九幽壇牒證此齋功金籙真符庶明券驗冀靈儀而保執為

身據以生方地司無留滯之尤天界有優遊之趣分明領受咸使聞知

次法師捧真符白簡祝曰簡說壇時已對三寶

次法師捧真符白簡祝曰簡說壇時已對三寶

不宣

當願亡靈受持金籙白簡永辭幽夜徑上南宮無縈迷執之尤克證道通之果此非給付與亡靈者

次令道流一人讀九幽壇牒宣讀

次法師祝牒

當願亡靈受持黃籙齋法九幽壇牒周圍齋事執牒為憑陰司更不拘留地府永消罪錄現神超度靈識分明今對道前一如宣示此非給付與亡靈者

次啓白具位

伏以高晨元聖既彰度品之慈大暮沉靈寔假崇因之力願明科而式奉仰幽魄以是資已陳大洞之儀荐格重霄之瞻南宮受度將遂於嬉神北府校督即期於削籍殊喜昭集妙蔭溥臨已聞三寶之名載舉十真之號

次舉十真禮

志心皈命禮東方華林境界惠靜裝嚴无極之國靜境真人願普救亡魂東和永出三塗已下並齊和永出三塗苦苦志心皈命禮南方梵天境界端化裝嚴无極

之國真老真人願普救亡魂永出三塗苦志心皈命禮西方金光境界利益裝嚴无極之國法寶真人願普救亡魂永出三塗苦志心皈命禮北方具定境界救度裝嚴无極之國救苦真人願普救亡魂永出三塗苦

志心皈命禮東方長樂境界周下裝嚴无極之國妙音真人願普救亡魂永出三塗苦志心皈命禮東南方碧霞境界妙寂裝嚴无極之國具定真人願普救亡魂永出三塗苦志心皈命禮西南方權真境界普救裝嚴无極之國瓊光真人願普救亡魂永出三塗苦

志心皈命禮西北方妙道境界真仙裝嚴无極之國濟苦真人願普救亡魂永出三塗苦志心皈命禮上方元都境界紫霄裝嚴无極之國妙行真人願普救亡魂永出三塗苦

志心皈命禮下方水運丹界淨土裝嚴无極之國太極真人願普救亡魂永出三塗苦

次唱禮盡十方空界一切真人奉為亡靈虔心懺悔次長跪懺悔

志心懺悔奉為亡靈懺悔慳貪嗔怒愚癡罪邪淫偷盜殺生惡謗經毀教不皈依慢道背真違誓約身心妄想無休日耳眼生貪不住時未來過去及今生三世罪根難可測此日發心稱懺悔從前障惱願消除言詞既向道

前陳眾聖定應空裏鑒

志心重懺耳眼鼻舌身心罪六根六慾六情愆管絃嘹亮少真音紫綠輝華非正色蘭麝競裝馨香處車馬爭矜馳騁時甘辛不節自傷生喜怒無常惟奪筭六根每引沉淪路三寶常聞拯拔門眾今發露首前愆總願罪根盡消滅

志心稽首禮謝无上正真三寶

次吟三塗五苦頌

次舉三啓頌

向來功德並已周圓伏冀亡靈俯迴昭鑒然願躋神紫府載魄朱陵逍遙十極之方自在三清之境福流見在慶及宗親一切舍生俱登道岸

次法事引亡靈却歸靈座奉安

次法師啓白

今者已對三寶周圓勝利即肅恭而諦受正冥長以欽承仍備辟筵即期就序享芬芳之佳薦俟周滿之洪因今奉為亡靈念玉清聖境寶光流精法食呪曰

回首仰圓羅 舍光挹靈芳 拘魂制七魄

思齊定中方 行住理虛无 寢息宴瓊房

飢食黃壁花 渴飲瓊根漿 神精命大魔

合體鍊其光 復照觀太无 長在空中遊

圓同泯波際 真化靡終期 杳妙无終始

行者當自知 寂寥忘理教 應運闡宏規

降道不自照 要當先所施 會歸无二處

隨心自合離

次重啓白

今則真儀備舉妙唱悉周總集殊因並資道

魄伏冀靈魂不昧幽趣無方離五苦之寒庭

永辭長夜聞三清之妙道盡契无為福祐門

庭慶流春愛一切舍生之類俱登仁壽之鄉

稽首皈依无極大道

次法事引下階焚亡靈符簡

次吟焚符簡頌

太上法微妙 簡籙度人天 元始告符命 時克獲昇遷 傳授救沉溺 皆得自儵然 書名金簡籙 逍遙玉帝前

次回向與亡靈念善退

次往大門外設香卓于上香召无主

孤魂滯魄

伏以妙道先天勛尊官厚聖君御宇德被幽明綿區推及物之恩長夜降漏泉之澤凡處沉冥之件悉頌濟度之私崇道薦亡救及一切其或英雄佐國忠赤事君逢危不顧於一身致命乃酬於萬乘歿於沙磧死在戰場骨未瘞藏魂方沉滯或即劾官萬里馳命四方染疫癘以卒終遇傷害而橫天關源為阻閭里攸賒春夏秋冬絕於祭祀或投名上國商賈東西跋履山川涉江海過毒蟲而害命遭狂浪以摧舟或幼入空門長依釋教孤隱於林泉之裏栖遲於巖谷之中志慕修行自甘寂寞或為遊客或掌化緣荏苒傾亡因循遷化或情嫌凡俗心樂仙鄉全清閑養素之

名居碧嶂出塵之界未遂長生之理難逃短景之期或有工妙丹青藝高藥術因茲遊歷客死他鄉或効力往還備身驅役或有寬而暗害或無告以自殘魂魄飛揚無依無倚或作狂徒劫盜逆黨叛臣負國難以自甘墮陰

冥而敢恨或有欺慢神理或不孝父孀受天譴以滅殂犯罰責而致殞或因貧而寒餓或避法以逃藏計窮而自盡山林事急而身投河井或被虎狼啗食或以水火深焚是女是男或少或老雖莫知於名姓冀相率以俱來

先沐浴以清神受法筵之饗祭今者謹有齋主某人奉為亡過某人或遇七三月資薦往生命道士若干就奉靈位或云開啓无上黃籙大齋若干晝夜設九幽清醮一座拜金籙符簡供養夜宴冥齋救度一切亡靈咸登道

果伏望冥塗滯魄速路孤魂應請而來齊赴蘭湯之浴入筵無碍聽宣教戒之文魂而有靈伏惟尚饗

次法事引孤魂往浴室浴路令道士一人以淨水洒穢念諸天内音大梵

隱語至浴室

次令道流一名先於浴室盆內以杓自西南起左攪水三十二轉念法水呪

太上神水五行之數生能育物洗新除故渴飲養命死苦難過若非大慈何為救度太上

无上尊此一句次往女浴室攪水念呪同上

次下浴室簾道衆吟散花法事俟浴

罪法師啓白

再啓黃壤沉靈冥臺逝衆今者已周蘭浴咸遂清虛各捨惡心共相和睦宜序分而就列俾躬肅以登筵歆饗芳餉無執迷見悉期超度盡出幽牢世世生生永同樂土

次法事引孤魂於無碍筵座

次法師與道衆巡遶焚郭吟光明頌

太上大道君 位處無為鄉 寶光真童子

下理九幽房 悲嗟苦魂役 拔度痛哀傷

二十四門戶 咸令聞寶香 燈明照長夜

願消累劫殃

次往地獄官位破二十四地獄文在別卷

次入焚郭南門穿入起尋聲救苦天

次吟未央偈三首德尼和元上尊功

九幽黑闇那堪往 到者雷同是罪人

冥冥難得見光明 太上慈尊來救度

大慈大悲尋聲救苦來和无上尊

餓鬼窮魂皆解脫 冤家債主總懺心

刀山劍樹悉摧鋒 爐炭鎊湯俱滅燄

大慈大悲尋聲救苦來和无上尊

構置冤憎生地獄 迴心懽喜是天堂

至尊威力不思議 願假慈光宣教戒

大慈大悲尋聲救苦來和无上尊

次法師出焚郭北門行載舉四聲功

德獨吟九幽苦神頌行住宜

生落苦神界 轉輪五道停 九幽長夜閉

累劫無光明 刀山多劍樹 毒刃互崢嶸

不見羣鳥集 但聞苦魂聲 迴風搖長夜

哀響流寒庭 上有履山魂 時刻無停寧

飢食曲泉炭 渴飲冶火精 流曳三塗中

豈識形與名 念汝不知命 苦哉傷人情
大慈大悲尋聲救苦來 東和无上尊

次法師向鬼門禱次就座

次起啓堂頌

次宣教戒儀 因經北經說業報宣儀

單次吟天尊往生頌三首 頌在戒儀末

次法事引往大門外先燒亡靈及孤魂錢絲等

次吟焚詞頌

次回向念善退

次重上香火設九幽醮

先詣玄師前唱讚行道

次啓堂頌



次宣設醮儀如故

次吟送真靈頌

次焚表頌

次回向念善退

九幽醮圖



牒式 國家除月四道早祀錢馬四分
士無除月一過早祀九分每分
錢二

天師門下 牒上 城隍土地諸神祇

今謹有崑崙東南宛利天境奔賢世界赤

縣中央并府并縣并鄉里居住

大道弟子具街某伏為亡靈某 遠居成終
七百八日

預於某處請道士若干人開啓无上

黃籙大齋某晝夜罷散日拜草龍白簡先

設幽塗滯爽無主孤魂冥陽無碍夜筵一

中及設九幽醮一座某分位所仰意者總

用資薦亡歿某人超生淨域取今月某日

亥時施排質信燈燭香花開啓道場宣揚

法事莫不事因發迹委任靈紙輒具懇誠

故行關牒者

牒具如前事須牒上城隍土地社令神祇五

道大將軍河侯河伯蒿里丈人土下二十石

官丘丞墓伯十一塚侯冥關幽路一切主者

伏請同遵

大教共證齋功使亡靈承開度之恩見在僕

遐長之福齋功成就期進具階科法昭明豈

虛効信謹牒

年 月 日 牒

具 法 位 姓 某 押

牒

城隍 當境 社令 五道大將軍

黃籙九幽醮無礙夜齋次第儀

正一天師清微弟子 洪百堅 道教學術資訊站

洞玄靈寶河圖仰謝三十六天齋儀卷一 五場

壇燈檮文一

壇壇方三丈六尺纂閣十方 如外壇者纂

內去纂一尺方然八燈黑書白簡三十二

天號朱書諱下黑書官治依經次第中央

懸青幡幡長一丈六尺書三皇天文各十

五字今滿竿長二丈四尺找校使堅 行通

不隨所堪此為吉請六為
請共有二異餘悉幼前

禮謝三十二天 二持香祀願
平向北唱

臣等歸命太黃皇曹天帝君 拜拜以次八
天克代

至誠竟大天散髮法師
長小聲讀文不須散髮

臣某等上啓太黃皇曹天帝君 紫極宮

諸靈官 以次立
八天心謹請北方東壁營室危虛

須女牽牛南斗東北七宿八天帝君賜降

慈恩開許大赦原除肉人 姓名
宿世積罪下

及某身三曾五祖七世父母歷世愆惡一

切乞丐從三赦之恩願得上謝北方八帝

君解某生死所犯天羅地網基謫除穢增

延年算與之更始自今已後福業興隆公

私勝泰官學高通功成德就合門懽忻所